

Даастлаб бадиий проза эмас, балки поэзия келиб чиккан. Шу сабабли, гапни шеърий эпосдан бошлаймиз. Чунки эпос поэзиянинг энг кадимги тури хисобланади. Унинг тугилиши инсоннинг меҳнат фаолияти билан боғликдир. Маълумки, энг кадимги замонларда одам-нинг меҳнат фаолияти асосан овчиликдан иборат бўлган. Агар у шимол денгизларида кит ва бошка катта балик-лар овлаган бўлса, жазира маҳалла шер ва йўлбарсларни тутган. Натижада, мана шу ов жараёнида инсон турли жасоратлар, ботирликлар кўрсатган, хайратомуз ишлар килган. Унинг каҳрамонлари халк онгига ва қалбида турли ўй-туйгулар уйготган. Окибатда, бу каҳрамонликлар муайян бадиий асар учун манба бўлиб хизмат килган. Аввал алоҳида-алоҳида кўшикдар, кейин эса улар бирлашиб, эпос ёки унинг энг йирик жанри эпопея вужудга келган. Кадимги эпос намуналари хакида гапирилганда, «эпос» ва «эпопея» тушунчалари, кўпинча, бир маънода кўлланилади. Овчининг куён ёки бугу тутишдаги харакатлари эпос учун асосий мавзу килиб олинган. Демак, эпос каерда юзага келганлигидан катъи назар каҳрамонликни мадх этувчи ижод намунаси сифатида майдонга келган. Машхур «Илиада» ва «Одиссея», «Алпомиш» ва «Манас», «Сосунлик Довуд» ва «Махобхорат», «Рамаяна» сингари барча йирик эпослар асосида каҳрамонлик мадхи ётади. Инсон фаолияти мураккаблашуви билан боғликхолда эпос хам теранлашиб борган. Аммо унинг асосий томони барибир каҳрамонликни куйлашдан иборат бўлиб колаверган. Инсон фаолиятининг ўзгариши натижасида эпосда унинг жанглардаги, мухаббат ва хакикат, гўзаллик ва адолат учун курашлардаги каҳрамонликлари хам куйлана бошлаган. Шу тарика эпосда халк идеаллари ва умуман хаёт кенг кўламда камраб олинган.

Эпосга баъзан хаётдаги катта воеа таянч килиб олинган. Масалан, «Илиада» учун асосий мазмун сифатида оғир Троя уруши танланган. Гоҳида эпосга кичик, эпизодик, аммо катта умумлашмалар чикаришга имкон берувчи воеалар негиз бўлган. Жумладан, «Алпомиш»даги ходисалар кадимги икки уруг орасида закот масаласи туфайли келиб чиккан низодан бошланади.

Эпос, одатда, у ёки бу халк, баъзида, умуман, бутун инсоният хаётидаги катта бир даврнинг кўзгусидир. Бу кўзгуда факатгина ташки воеалар, майшату одатларгина эмас, балки даврнинг руҳи, фалсафаси, халк кайфияти, истикболи хам акс этади. Чунончи, «Илиада» ва «Одиссея» кадимги юнонлар даврининг жанглари, худолари, кишилари, каҳрамонликлари, ах-локий ва афсонавий карашлари, орзу-умидлари хакида кенг тасаввур берса, «Алпомиш» эпоси халқимизнинг ургучилик ва кабилачилик замонидаги хаёти, урф-одатлари, дунёкараши, инсоний мухаббат учун курашишлари манзарасини яккол гавдалантиради.

Эпоснинг тугилиш даврида хамма ерда тўлигича халк, жамоа ижодининг самараси бўлган. Аммо эпоснинг жамоа томонидан ижод этилганлиги унда алоҳида кучлар, истеъдодлар иштирок этганлигини инкор кил-майди. «Алпомиш» кадимда халк томонидан айтилган бўлса-да, даврлар утиши билан у сайкалланиб, мукаммаллашиб келган. Албатта, бу мукаммаллашувда алоҳида баҳшиларнинг хизмати хам катта бўлган. Фозил Йўлдош ўгли тилидан ёзиб олинган «Алпомиш»нинг бошка кўп вариантидан, хатто Пўлкан шоир вариантидан хам мукаммаллиги, бадиий пишикдиги, халк эпосининг

такомиллашувида айрим истеъдодларнинг хиссаси катталигини тасдиқловчи мисол бўла олади.

Эпос тараккиётида алоҳида истеъдодларнинг хиссаси ёзув кашф килиниши билан боғлик холда аникрок намоён бўла бошлаган. Кадимда «Илиада» эпосидаги кўшикдар, афсоналар, воқеалар бўлак-бўлак холда турли шоирлар томонидан турлича айтиб юрилган. Буюк Гомер эса уларни жамлаб, танлаб, ижодий ишлаб, сайкал бериб, тугалланган, яхлит, катта таъсир кувватига эга бўлган асар холига келтириб, ёзиб колдирган.

Ёзувнинг вужудга келиши билан эпос аввалги маънодаги эпос бўлмай колди. Энди у шахе ижодининг маҳсулига айлана борди. Рим шоири Вергилий, Гомернинг «Илиада»сини намунавий асар килиб олиб, «Энеида» достонини ёзди. Киев Русидаги номаълум муаллиф каҳрамонликни куйловчи «Игорь жангномаси»ни кашф этди. Кадимги Шарк халкларининг каҳрамонликлари, курашлари тўгрисида улуг Фирдавсий «Шоҳнома», Шота Руставели «Йўлбарс терисини ёпинган паҳдавон» эпосларини ёздилар. Бу асарлар, фольклор намуналаридан ўсиб чиккан бўлсалар-да, кўпроқ ўша намуналарга эмас, балки бир-бирларига якин эдилар. Оғзаки эпосдан фаркли холда, улarda мифологик, афсонавий дастак эмас, балки бадиий тафаккур етакчи ўринга чиккан эди. Вокеликни холис кўрсатишдек эпосга хос хусусият билан бир каторда мазкур асарларда шахсий ибтидо яккол кўзга ташланар, яъни, шоирнинг шахсияти сезилиб туради. Шу билан бирга воқеаларни кенг микёсда камраб олиш, даврнинг тарихий тажрибасини умумлаштириш, ахлокий меъёрларни гав-далантириш, миллий ва умуминсоний идеалларни уйгунликда ифодалаш сингари кадимги эпосга хос асосий хусусиятлар хам юкорида санаб ўтилган асарларда саклаб колинган эди.

Кадимги замон эпоси типида асарлар ижод килиш-га уринишлар кейин хам бўлган, немис шоири Клоп-шток «Мессиада», рус шоири Хересков «Россияда» каби достонларни ёзиб, улarda кадимги эпос хусусиятларини саклаб колишга харакат килганлар. Аммо бу асарлар муайян гоявий-бадиий кимматга эга бўлса-да, илгариги эпослар каби шухрат козонолмади, фактат ўз халклари адабиётининг муайян ходисаси бўлиб колди.

Шу тарика ривожланган етук давлатчилик тузуми даврига келиб, Гарб мамлакатларида каҳрамонлик эпоси иккинчи ўринга ўтиб колади. Гарбда драма, Шарк мамлакатларида эса лирика етакчи ўринга кўтарилади. Бирок халкларнинг эстетик эҳтиёжлари мана шу адабий турларнинг ўзи билан тўлик кондирилиши кийин. Уларда «поэзиянинг олий тури, санъатнинг гултожи» хисобланган эпос хусусиятларини ўзида жамлаган, унинг ўрнини боса оладиган янги адабий жанрга эҳтиёж тугилади. Шундай жанрлардан бири сифатида поэма вужудга келади.

Поэма. Поэма жанри ўз тарихий тараккиёти даво-мида кўплаб кўринишлар касб этган. Шунинг учун унга аник ва катъий таъриф бериш кийиндир. Бирок кўп холларда поэма шеър билан ёзилган лирик-эпик асар сифатида пайдо бўлиб, унда улугвор воқеалар, юксак характерлар, гўзал инсоний фазилатлар кўтаринки тарзда мадх этилади.

Поэмаларда лирик ва эпик унсурларнинг нисбати, меъёри турлича бўлади. Айрим поэмаларда эпиклик, яъни воқеалар хикояси катта ўрин тутади. Хамид Олимжоннинг афсонага суюнган «Ойгул билан Бахтиёр» асари шундай поэма—эртаклардан хисобланади. Бир катор поэмаларда эпикликка нисбатан лиризм, яъни шоир хис-туйгулари, ўй-фикрлари, лирик чекинишлар, турли каҳрамонлар ва ходисаларга

муносабат ифодаси устунлик килади. Бундай поэмаларнинг намунаси сифатида Хамид Олимжоннинг «Зайнаб ва Омон»ини кўрсатиш мумкин. Лекин поэманинг кайд килиб ўтилган иккала кўринишида хам эпикликка лиризм чатишиб кетган бўлиб, у асарга муайян харорат ва жўшкинлик баҳш этади. Шу хусусиятни кўзда тутиб, мутахассислар поэма хаётнинг юксак, улгвор лахзаларини камраб олишини алоҳида таъкидлаган эдилар.

Адабиёт тарихида бутунича лириклик негизига курилган поэмалар хам кўп. Уларда шоир муайян воеа-ходиса, хаётий масала юзасидан ўз фикр-туйгуларини, ўй-мулоҳазаларини муфассал, эхтиросли тарзда ифодалайди, поэма эса калб кўшигига айланади. Бундай эпик сюжетга суюнмаган асарлар лирик поэмалар деб ритилади.

Мумтоз ўзбек адабиётидаги кўплаб достонлар хусу-ан, Хоразмийнинг «Мухаббатнома», Хўжандийнинг «Латофатнома», Сайд Ахмаднинг «Таашукнома» сингари асарлари хат тарзида битилган, лирик намуналар сифатида каралиши мумкин. Навоийнинг «Хайрат ул-аброр» достони хам лириkdir. Бизнинг замонамиизда ёзилаётган узбек лирик поэмалари мухим хаётий маса-лалар, умумбашарий муаммолар юзасидан теран фалсафий мушоҳадаларга бойлиги, гуманистик теранлиги, таъсирчанлиги билан ажralиб туради. Ойбекнинг «Даврим жарохати», Максуд Шайхзоданинг «Тошкентнома», Султон Акбарийнинг «Менинг маҳаллам», Хусниддин Шариповнинг «Куёшга ошикман», Эркин Воҳидовнинг «Палаткада ёзилган достон» сингари поэмалари фикримизнинг далили бўла олади.

«Мен» қаҳрамон бўлган, содир этилган воеанинг субъектив хис-туйгуларига суюнган. Лирик поэманинг типик мисоли буюк реалист Ойбекнинг «Даврим жарохати» асаридир. У Япониянинг Хиросима шаҳрига 1945 йил 6 августда Америка авиацияси томонидан атом бомбаси ташланиши ва 140 минг кишининг халок ва ярадор килинишига карши ёзилган. Хиросима XVI асрдан бери порт шаҳардир, Хонсю оролининг жануби-гарбий кисмида жойлашган, 1974 йил хисобига Караганда унда бир миллионга яқин аҳоли яшайди. Бу жойда машинасозлик, станоксозлик, кемасозлик, тўкимачилик, химия, когоз, ёгоч саноати ривожланган, шоликор, ўрмонзорлар билан копланган. Поэма кайнок пафосга эга. Тасвирлар ва хиссиётлар бир-бирини ўстириб боради, хис ва сезгилар оркасида кучли эстетик тафаккур шаклланади. Шаҳарнинг атом бомбаси ташлагунгача бўлган гўзал кўриниши, бомба портлаган асно ва бундан кейинги харобалик, кўп сонли курбонлар кийчуви, реалистик норози тафаккур тутёнли калб садосига айланади.

Ойбек атомни олимлар хайрли иш учун деб кашф этган, дейди. Шоир бу ишда айбор бўлган кишиларга ўз нафратини каратади. Шоир тили чархланган, накшин, хароратли, рангдор тасвирда хам контраст (карама-карши) фарқ сезилиб туради: «олча гул шахри» — «йикик Хиросима хам кул, хам мажрух», «окшом... кора мотам чойшабда шахар, оловлар, тутунлар кўкка чирмашур». Шоир атом бомбасини «оғат-нур», «ажал-нур», деб атайди. Атом бомбаси мислсиз янги оғат, у ҳакда-ги ифода хам охорли. Шоир шундай дейди: «Арши аълодан у ағдарди тамўг», «Бир онда хўплади атом куроли», «Учди оғат-куёш, балоларча бош», «Чанг солар маъносиз ўлим панжаси», «Тарихда мисли йўк, тенги йўк жаллод».

Лирик қаҳрамон атом бомбаси ва унинг Хиросима шаҳрига ташланишига карши, эстетик

идеали — тинчлик, озод, осуда хаёт, шоир бу машъум воеа ташкилотчиларини аёвсиз лаънатлайди. Достоннинг конфликти хам тинчлик билан атом уруши ўртасидаги зиддиятга таянган. Атом уруши каттик кораланган. Достоннинг тинчликсевар гояси хаётбахш ва инсонпарвардир.

«Даврим жарохати» Хоразмийнинг машхур «Мухаббатнома» лирик поэмаси анъанасини янгича давом эттиради.

ХХ асрда бундай лирик достонлар кўп ёзилди.

Лирик поэмалар хажми киска, «Даврим жарохати» лирик поэмаси ўн сахифагинадир. XIX асрнинг бошларида Оврўпада романтизм оқимининг ривожланиши муносабати билан романтик поэмалар тараккий килади. Бу поэмаларда ажойиб қаҳрамонлар ва воеаларни акс эттириш, услубда кескинлик, ўткир хис-хаяжонлилик каби белгилар аник "зга ташланар эди. Мазкур белгиларни Байроннинг Чайльд Гарольд», Гюгонинг «Асрнинг афсонаси» сингари поэмаларида хам кўриш мумкин. Венгер шоири Ш.Петефининг «Пахдавон Янош», Г.Гейненинг «Германия. Киш эртаги», Пушкиннинг «Лўлилар», М.Ю. Лермонтовнинг «Мцири» каби романтик поэмаларида эса реализм хам ёркин кўрина бошлайди. XIX асрнинг иккинчи ярмида реалистик поэманинг гуллаши Н.А. Некрасов ижоди билан бөглиkdir. Унинг «Русияда ким яхши яшайди?» поэмасида рус дехконлари хаётининг кенг, реал манзаралари акс эттирилади.

Достой. Узбек мумтоз адабиётининг энг катта ва кадимий жанрларидан бири достондир. Алишер Навоийнинг «Фарход ва Ширин» достони лирик-эпик эпосдир, хажми хам лирик поэмага караганда катта, шу сабабли уни «шеърий роман» хам дейишади, хакикатан унда эпизм — етакчи.

Чин мамлакати шохи Хисрав ўз вазири Мулкорога буюриб, гамгин ва хомуш ўгли Фарходнинг кўнглини очиш учун тўртта каср курдиради. Фарход Хисравнинг бирдан-бир ўгли. Подшо ўз фарзандининг тарбияси билан маҳсус шугулланади, дилбанди орзу-хавасларининг амалга ошиши учун хеч нарсани аямайди. У меҳрибон ота, боласига кўп хунар, билим ва фанларни ўргатти-ради, бунинг учун бутун шароитни яратади. Фарход илму фан ва хунар ўрганишга кўп ахамият бериш ҳакидаги ҳалк идеалларининг мужассами, акдли, доно бўлиб етишади; у — мард, қаҳрамон, ишchan, аммо мансабга кизикмайди. Отаси унга подшо бўлишни так-лиф килади, Фарход эса унамайди, хали ёшман, тажриба ва илмим оз, дейди. Бу хол темурийзодаларнинг таҳт талашиб, кирпичок бўлишларига Навоийнинг аччик киноясидир.

Фарход отасининг хазинасида Искандарнинг сан-дикка ўхшаш ойнасида Ширинни кўради ва унга ошик бўлади.

Унинг кисмати шундай шаклланадики, отаси билан Юноистонга бориб, дуч келган аждаҳо ва Ахраман дев каби ёмон жонзодларни енгади, Хизр билан учрашади, сўнг Ширинни излаб, йўлда карокчиларни тор-мор килади, Арманистонга боради; тогда ариқ казиб, чашмадан сув олиб келиш учун меҳнат килаётган ҳалкка кўмаклашади, у бу ишда мислсиз қаҳрамонлик кўрсатади, буни Арманистон хукмдори Мехинбону ва Ширин келиб кўради ва Фарходдан миннатдор бўлади. Шу сабабли, достон қаҳрамонлик эпоси тусини олади ва бунинг ёзма адабиётдаги намунасига айланади. Фарход севги, илм ва хунар туфайли меҳнат ва жанг қаҳрамонига айланади.

Шоҳ Хусрав Парвиз Ширинга совчи юборади, рад жавобини олгач, кўшин тортиб келиб, Арманистонни босиб олади: Фарходни асир этади ва Салосил кўргонига камайди.

Достон сюжетининг кульминацияси Фарходнинг Хусрав билан килган бахсидир.

Бу бахсли мунозарада Фарходнинг донолиги, Хусравнинг кўполлиги сезилиб туради. Хусрав — жохил бўлса, Фарход — мутафаккир, Хусрав — пўписачи, тез бўлса, Фарход — босик ва тўгри сўзли.

Бошка халклар «достонларида иккинчи даражали ўринга эга бўлган Фарход» Навоий томонидан «ирик асарнинг марказий қаҳрамони сифатида» ишланди.

Хусрав Арманистонни босиб олади, маккор кампир оркали Мехинбону Хусрав билан сулх тузади. Ширин ўзини ўлдиради, деб ёлгон хабар етказади, буни эшитган Фарход ўлади. Хусрав — боскинчи, айёр, пасткаш, виждонсиз, зўравон, золим киши.

Ширин конхўр Хусрав ва унинг хаёсиз ўгли Шеруянинг севгисини рад этади, унга теккунча, ўлимни афзал кўради. Чунки Хусрав зулмкор бўлса, Шеруя Ширинга эришиш учун отасини катл эттиради. Бу улуг шоирнинг ўз отаси Улугбекни ўлдиришда катнашган Абдуллатифга шамасидир. Ширин — гўзал, софдил, вафодор. Ширин Фарходга хат элтишда айбланган Шопурни бандиликдан озод килади. Фарход жасадини кучганича Ширин хам вафот этади. Буни эшитган Мехинбону эса ўзини ўлдиради. Шундай килиб адолатсиз хукмдорлар фожиага сабабчи бўладилар. Фарходнинг амакиваччаси Баҳром кўшин билан келиб, Шеруяни ўз юртига жўнатиб юборади ва Арманияга янги хукмдор тайнинлайди. Адолат карор топади, золимлар ўз айбларига яраша жазо оладилар.

25-бобда илохий (ҳакикий) ва мажозий (дунёвий) севги дангалрок ифода килинган; бу икки севги аралаш, омухта тасвирланади. Илохий севги туфайли севишганлар висолга етиша олмайдилар. Халк анъанавий оғзаки эпосларида севишганлар муроду максадларига етишадилар, чунки уларда акс этган муҳаббат дунёвийдир.

Дунёвий севги (ишки мажозий) концепцияси самовий севгига, Худога бўлган севгига аллегория сифатида илохий севги (мажозий севги, тўлик севги ва демак «аллегорик севги») билан кўшилиши мусулмон Шаркида суфизм анъанаси билан узвий boglik. Бу ердаги суфизм анъаналари эса Оврупадаги пантеизм фалсафаси билан алокадор.

В.М.Жирмунский ўзининг «Алишер Навоий ва Шарқ адабиётларида Ренессанс муаммоси» деган маколасида бу фикрни давом эттириб дейдики, «Ренессанс билан туғишидан Навоийнинг шоир сифатидаги мафкураси ўз ижодига хос асосий интилишлари жихатдан «Фарход ва Ширин» достонида тўларок очилади». Ҳакикатан, достоннинг асосий гояси Хусрав билан Фарходнинг севги ҳакидаги мунозараси ва Сукрот башоратидан маълум бўлади. Юнонистонда тог ёнидаги горда яшовчи Сукрот Фарходга шундай дейди: «Мен минг йилдан бўён шу тоглар орасида пойи кадамингга интизорлик тортаман... Худо инсонни вужудга келтирган экан, инсоннинг дунёда яшашдан кўзлаган максади Тангрининг буюрганига хурсанд бўлиш, буюрганидан бошкасини килишдан тортиниш бўлмоги керак. Инсонга ҳакикий махбуб унинг ўзи бўлиб, унинг васлига етишиш учун йўл босиши зарур. Кишининг умиди ўша махбуб бўлиб колса, унинг катта омади, абадий баҳти шудир..» Унга эришиш жуда хам мушкул... Бунинг учун инсон аввало ўзлигидан воз кечиши, уни йўқ килиши, сўнг ўша махбубини кидириб топиши керак. Киши ўзлигини йўқотмай туриб, уни топа олмайди. Кишига ўзлигини йўқотишнинг бирдан-бир чораси ишки мажозий бўлиб, бунинг учун бошка нарсани кидириб ўтиришнинг хожати йўқ... Мажозий ишк бамисоли бир нурли тонг бўлиб, ҳакикий ишк эса унинг Шарқдан чиккан куёшидир... Сенинг олдингда турган ишк ишки мажозийдир. У сенинг вужудингни куйдириб, ўртаниради... Агар мажозий ишкдан жонинг ўртаниб, фано селидан хонумонинг бузилса, у вактда ҳакикий ишкдан майин шабада эсиб, унинг енгил шабадасидан димогингга яхши хид урилади. Асл маъшуканг ёрдам кўлинини чўзиб, мажозий ишкнинг ҳакикийга айланади» (насрий баён).

«Назм... балогати хамиша халк балогати билан йўлдош бўлади». Халкнинг Фарходга хайрихохлиги бежиз эмас. Достонда турли халкларнинг вакиллари бир-бирларига ахил кўрсатилган. Фарход ўзбек, у арман кизи Ширинни севади. Фарход хам, унинг ишки хам идеалдир, лекин бу идеал реалистик йўналишлар билан йўгрилган.

«Фарход ва Ширин» достони уруш ва боскинчиликни коралайди, севги фожиасига давр сабабчи деб кўрсатади, у романтизм ва реализм (синтетик) методида ёзилган бадиий асардир. С.Эркинов «Асада яратувчилик меҳнатини куйлаш ўз навбатида мустакиллик сама-раларини ер билан яксон килувчи истилочилик урушларига карши кураш гояси билан уйгунлашиб кетади», дейди. А.Хайитметов айтишича, «Навоий хам ўз даврининг мислсиз зўр гуманистларидан бўлиб, даврининг деярли хамма масалаларини гуманизм масаласи билан bogлагan ва ўзининг барча шеърий талантини шуни куйлашга багишлаган эди».

Шаркшунос олимлар айтишига караганда, Искандар даврида Хирот ва Самарканда универсализм хукм сурган, сўнг эса ислом маданияти ривож топди. XV аср эса Навоийнинг хаётий гоялари давридир. «Агар форс-тоҷик адабиётининг деярли беш аср мобайнида жуда катта тажриба эгаллаб олганлигини назарда тутсак, бу адабиёт билан мусобакалашмокчи бўлган муаллиф олдида канчалар кийинчилик мавжудлиги ўз-ўзидан маълум бўлади».

Академик Н.И.Конрад «Ўрта Шарк Уйғониши ва Алишер Навоий» деган маколасида дейдики, «Алишер Навоий деган шоир бўлганлигидан кувонамиз! Бизга шундай шоирни хадя килиб келтирган ўзбек халкига буюк раҳмат айтамиз. Уни ўрганибина колмаймиз, ўқиймиз хам. Нафакат мутолаа киламиз, у хакида ўйлаймиз хам. Уни ўзимизники килиб оламиз! У Ренессанснинг бир буюк милодидан бошка янада каттарок тарихий мазмундаги Ренессансга келди». Навоий гоялари ва идеаллари жаҳон халқдари адабиётлари гоялари ва идеаллари билан bogланган. Ўзбек адабиётида «Фарход ва Ширин» достони билан тенглаша оладиган асар

хали ёзилган эмас. Навоий ижодининг оламшумуллиги хам шундадир.

XV асргача бўлган жаҳон адабиёти тарихига камолот тимсоли бўлган, бош қаҳрамон Фарход образини Низомий ва Хисрав Дехлавий эмас, балки Навоий олиб кирган. Узбек поэмаларининг вужудга келишида халк оғзаки ижоди мухим ўрин тутган. Чунки узбек халки жуда бой оғзаки анъанавий достонлар хазинасига эгадир. Кадимги халк кўшик ва термаларида анъанавий халк достонларининг дастлабки унсурлари вужудга кела бошлаган эди. Буни машхур тилшунос олим Махмуд Кошгариининг «Девону луготит турк» асаридаги кўшик ва лирик парчаларда кўриш мумкин. Улар орасида муайян бирор воқеани эпик тарзда баён килувчи баёнчининг у воқеага бўлган муносабати ифодаланган ўринлар бор; жанг тасвирига багишланган кўшикдар содда композиция ва ўсувлари шиддатли жанг, душманнинг кочиши, галабадан кейин зафар кўшигининг куйланиши баён килинади. Кейинчалик халкнинг ёвуз боскинчи душманларга карши олиб борган курашлари натижасида ўша воқеаларга багишланган достонлар («Гўрўгли» туркумидаги асарлар) пайдо бўлиб, улар ёзма адабиётдаги поэмачиликнинг тугилишида пойдевор вазифасини ўтайди. Ёзма адабиётда халк достонлари заминида тарихий даврдаги ижтимоий-сиёсий хаёт билан уз-вий bogланган поэмалар вужудга келди. Дурбекнинг «Юсуф ва Зулайҳо», Хайдарнинг «Гул ва Наврўз», Навоийнинг «Фарход ва Ширин», «Лайли ва Мажнун» достонлари шундай асарлар жумласига киради; бундай

достонлар учун халк оғзаки ижодида вужудга келган эртак ва афсоналар манба бўлган, лекин улар хам шакл, хам мазмун жихатидан кайта ишланган. Аник шарт-шароитларга, мухим ижтимоий-сиёсий, ахлокий масалаларга багишлиган.

Мумтоз адабиётимизда каҳрамонлик, романтик, дидактиқ-фалсафий достонлар хам йўқ эмас. Навоийнинг «Хамса»сига кирган асарларда, «Лисон ут-тайр»да ва бошка кўпчилик достонлардаги романтик сюжет чизикларида, персонажларнинг каҳрамонона хатти-харакатларида, лирик чекинишлар ва фалсафий мушоҳадаларда адолат, инсонпарварлик, олижаноблик, дўстлик хамда соф мухаббат гоялари олга сурилди хамда муаллифнинг ўз давридаги сиёсий вазиятга бўлган муносабати ифодаланди. Бу асарларда иштирок этувчи каҳрамонларнинг сони кўп ва хилма-хилдир. Улар кўпинча катта куч-кудратга эга бўлган кишилар, лашкарбошилар, подшохлар, донишмандлар, мунажжимлар, оддий одамлар, канотли отлар, аждарлар, сирли кушлар ва илохий кучлар киёфасида кўринадилар. Мумтоз достонлар «Гул ва Наврўз» ёки Навоийнинг «Фар-ход ва Ширин» асарлари композицияси ва шакли хам хозирги поэмаларнинг композиция ва шаклидан фарқ килади. Бундай достонларда алохида кириш кисми («хамд», «муқаддима», «наът», «мадҳ» ва «сабаби наз-ми китоб») бўлиб, уларда шу достоннинг ахамияти ва киммати, шу мавзуда бошка шоирлар томонидан аввал ёзилган достонларнинг ютуқ ва камчиликлари, ўз асарининг улардан фарки, бадиий адабиётнинг ахамияти, шеърий нуткнинг насрый нутқдан устунлиги, асарнинг ёзилиш сабаби, кимга багишлиганлиги хакида гапирилади ва сўнгра воеа бошланади. Навоийнинг «Хайрат ул-аброр» асарида асосий кисм (воеа) 18-бобдан, «Фарход ва Ширин»да 12-бобдан бошланади. Достоннинг хотимасида эса муаллиф ўзи ва ўз меҳнати, замони ва замондошлари хакида фикр юритди.

Ўзбек мумтоз достонларининг композицион тузилиши ва тасвирий воситалари жуда ранг-барангдир. Уларда романтик тасвир, кучли муболага ва мураккаб ўхшатишлар, каҳрамон номидан гапириш, монолог ва диалогларни бериш, мактублар келтириш каби усууллар кенг кўлланилган. Буларнинг хаммаси каҳрамон образини юзага келтиришга хизмат килади.

XX асрда ўзбек мумтоз достончилигининг анъанавий мавзулар доираси, гоя ва образлари, композиция ва услуби ўзгаради; бунда унинг энг мухим белгилари ва ўзига хос томонлари сакданиб колди хамда ўзбек реалистик поэмачилиги учун дастак вазифасини ўтади.

XX аср ўзбек поэмалари ўзларининг реализми, эпик ва лирик жихатларнинг бирикib кетиши, воеаларнинг кўламлилиги ва тарихий аниклиги, шахе ва халк тақдирни кўшиб ифодаланиши, муаллиф хамда каҳрамон гояларининг ўзаро бөглиқдикда юзага чикиши би-лангина эмас, балки композиция ва сюжетни созлаш, образларни типиклаштириш ва индивидуаллаштириш, характерларни тасвирлаш йўллари, услуби ва шеър тузилишидаги ўзига хосликлар билан хам мумтоз дос-тонлардан фаркланиб туради.

Оврўпа ва рус адабиёти таъсирида шаклланган, киска лирик-эпик асарларни «достон» деб эмас, балки «поэма» деб аташ тўғрирокдир.

Повестда турмушнинг кўплаб кирралари камраб олинади, айрим персонажларнинг хаёт йўли муфассал акс эттирилади. А.С.Пушкиннинг «Капитан кизи», Л.Н.Толстойнинг «Хожимурод», А.Каҳдорнинг «Синчалак», Аскад Мухторнинг «Коракалпок киссаси» повестлари ана шундай асарлардандир. Шунга кура, роман, повесть ва хикояни катта, ўрта ва кичик жанрларга ажратиш, умуман, тўғридир.

Повесть ва хикоя ривожи роман тараккиёти билан ёнма-ён равища давом этган ва кўплаб муштарак белгиларга эга. Роман жанри олдида турган айрим вазифалар улар зиммасига хам юкланган. Факат бу жанрлар мазкур вазифаларни адо, этишда хаётни турли кўламда камраб олишга кўра фарқданган. Шу сабабли В.Г.Белинский ўз замонидаги роман ва повесть хакида гапи-риб, (у даврларда «хикоя» атамаси жуда кам кўлланилар ва кўпинча хикоялар хам повесть деб аталарди) уларнинг манбалари орасида жиддий тафовут йўклигини ва бу манбалар факат хажмига кўра фарқдани-шини алоҳида кайд килиб ўтган эди. «Хозирги замондаги бизнинг хаётимиз,— деб ёзган эди танкидчи, ўта ранг-баранг, кўп киррали, таркокдир; биз уни поэзиядаги образларда худди киррали, бурчакли биллур каби... акс этишини хоҳлаймиз... Шундай ходисалар, шундай воеалар борки, улар драма учун камлик килади, роман учун етарли бўлмайди. Лекин улар шу кадар чукур бўладики, бир лахзанинг ўзида асрларга тенг хаётни мужассамлаштиради: повесть уларни... ўзининг тор доирасига бирлаштиради. Унинг шакли ўз ичига хамма нарсани... хулк-атворлар очеркини хам, инсон ва жамият устидан аччик кинояли кулгини хам, яширин калб сирларини хам, эхтиросларнинг шафкатсиз ўйи-нини хам камраб олиши мумкин».

Эркин Худойбердиев